

Ingoa: _____ Rangī: ____/____/____

Te Hā o te Marama

Nā Mākere Rangitoheriri

Whatukura

Kua whitu ngā tau o Marāea, ā, ko tōna tungāne, a Maki, kua tekau mā tahi. Kei te kōrerorero ngā tamariki nei ki a rāua anō.

“Hei aha māku ō kōrero, e Maki. He pakiwaitara tēnā nō nehe noa atu. Kāore ahau e matakū,” te kī a Marāea, engari kei te wiriwiri ōna turi, kei te hotuhotu hoki tōna manawa.

Kua maumahara ia ki ngā kōrero mō Rona. I ngā rā o nehe, i haere a Rona, i waenganui pō, ki te tiki wai mō tana tamaiti. I a ia e haere ana ki te puna, ka hinga ia. I tōna kaha riri ka kanga ia ki te marama. Kātahi ka pukuriri te marama, ka rere mai ki te hopu i a Rona, ka mauria mō ake tonu atu.

“E Maki. Haere koe. Tikina tō matua kēkē. Kua reri tō whāea ki te whakawhānau. Kōrero atu kia haria mai te motokā ki te mau i a māua ki te hōhipera. Kia tere. E oma!” Ka whakaaro a Maki, ka pahure ia i te wharepuni, i te whare karakia, i te urupā, me ētahi rākau nunui.

Ka titiro a Maki ki waho ki te āhua o te pō. Tino harikoa a Marāea i konei tōna tungāne. Mehemea kāhore, ko tōna mōhio ka riro kē māna hei hari te kōrero ki tō rāua matua kēkē.